

## ლექსიკა

მოსწავლე \_\_\_\_\_

წაკითხე თითოეული წინადადება. ყოველი წინადადების ქვეშ მოცემულია სამი სავარაუდო პასუხი (ა, ბ, გ).

შეარჩიე სწორი პასუხი და შემოხაზე შესაბამისი ასო (ა, ბ ან გ).

**პირველი მაგალითი:**

**მხდელი** კურდღელი დათვის დანახვისთანავე ბუჩქებში მიიმალა. ამ წინადადებაში სიტყვა **მხდელი** ნიშნავს:

- ა) მორცხეს      ბ) მშიშარას      გ) სწრაფს

უნდა შემოხაზო პასუხი **ბ) მშიშარას**, რადგანაც ამ წინადადებაში სიტყვა მხდელი მშიშარას ნიშნავს.

**მეორე მაგალითი:**

ფუტკარი ზუზუნებს, ცხენი \_\_\_\_\_.

- ა) ყროყინებს      ბ) ჭიკჭიკებს      გ) ჭიხვინებს

უნდა შემოხაზო პასუხი **გ) ჭიხვინებს**.

გამოტოვებული სიტყვა წინადადებაში არ ჩაწერო, მხოლოდ შემოხაზე შერჩეული სიტყვა.

1. ლაშას გამოძერწილ დოქებსა და ფიალებს **ხინჯი** არ ჰქონდა. აქ სიტყვა **ხინჯი** ნიშნავს:

- ა) ბზარს.      ბ) ნაკლს.      გ) ფასს.

2. მეტისმეტი დარდისაგან **განსჯის** უნარი დაეკარგა დედაბერს.

აქ სიტყვა **განსჯა** ნიშნავს:

- ა) გაანალიზებას.      ბ) ლაპარაკს.      გ) მოსმენას.

3. მტრის დასახვედრად **ზვიადი** მთებიც კი რისხვით წამოდგნენ.  
აქ სიტყვა **ზვიადი** ნიშნავს:  
ა) ამაყს.      ბ) გულადს.      გ) მრისხანეს.
4. მდინარის ორივე ნაპირს ერთმანეთთან **კამარიანი** ხიდი აერთებს.  
აქ სიტყვა **კამარიანი** ნიშნავს:  
ა) ბოძებიანს.      ბ) თალიანს.      გ) მოაჯირიანს.
5. მდინარის ნაპირების გამაგრება **საშური** საქმე იყო. აქ სიტყვა **საშური** ნიშნავს:  
ა) გადაუდებელს.      ბ) დაუძლეველს.      გ) რთულს.
6. მეფემ **შეიწყალა** მესარკე და ბრძანება გასცა, მის სამეფოში აუგი არავის ეთქვა მასზე. აქ სიტყვა **შეიწყალა** ნიშნავს:  
ა) დააწინაურა.      ბ) დააჯილდოვა.      გ) შეიბრალა.
7. **პირქუშად** დაჰყურებდა ცა ნაომარ ველს. აქ სიტყვა **პირქუშად** ნიშნავს:  
ა) გულგრილად.      ბ) მრისხანედ.      გ) სევდიანად.
8. **ცხადად**, ანუ:  
ა) გასაგებად.      ბ) საფუძვლიანად.      გ) სწორად.
9. **კდემამოსილება**, ანუ:  
ა) გონიერება.      ბ) მოკრძალება.      გ) სილაღე.
10. ჯგუფად მდგარი ხეებით დაფარული მიწის პატარა მონაკვეთი არის:  
ა) ბეჭობი.      ბ) კბოდე.      გ) კორომი.
11. გზის გადასაკეტი ასაწევ-დასაწევი მოწყობილობა არის:  
ა) ისარი.      ბ) შლაგბაუმი.      გ) შუქნიშანი.
12. დაასრულე წინადადება: ბუხარში აგუზგუზებული ცეცხლი  
მალევე .....  
ა) გაჩერდა.      ბ) გაცივდა.      გ) მიწელდა.
13. შეარჩიე სიტყვა, რომელიც გამოტოვებულია წინადადებაში: გოგონები ჩაის  
პლანტაციებში ..... ირჯებოდნენ უფროსებთან ერთად.  
ა) მუყაითად.      ბ) ყაირათიანად.      გ) ყუათიანად.

14. სიტყვა უზადოს სინონიმია:

- ა) უგვანი.      ბ) უნაკლო.      გ) უსასრულო.

15. ზოგ ხეს საკმაოდ მაგარი მერქანი აქვს. რომელია მაგარის საპირისპირო მნიშვნელობის სიტყვა?

- ა) გლუვი.      ბ) რბილი.      გ) ხაოიანი.

16. ფრაზეოლოგიზმი ცეცხლის ფასი აქვს ნიშნავს:

- ა) არსად იშოვება.      ბ) მეტად ლამაზია.      გ) ძალიან ძვირია.

17. ჩვენს გულს ესალბუნება გაზაფხულის ჟუჟუნა წვიმა.

ფრაზეოლოგიზმი ჩვენს გულს ესალბუნება ნიშნავს:

- ა) სიამოვნებას გვანიჭებს.  
ბ) ღრმად გვაფიქრებს.  
გ) ძალიან გვადლეუებს.

18. სპორტსმენმა გამარჯვების კიდევ ერთი შესაძლებლობა დაკარგა.

დაკარგა, ანუ:

- ა) სხვას გადაულოცა.      ბ) სხვას ხელში ჩაუგდო.      გ) ხელიდან გაუშვა.